

卷壹貳

風門 傷風 真中風 類中風 痞痲

瘟疫門 明疫篇 頭面腫 鷄鶩瘟 蝦蟇瘟

火熱門 明火篇 內外君相篇 病機篇 論表裏傷寒別

暑門 明暑篇 注夏 解佈 濕門 明濕篇

燥門 明燥篇 寒門 明寒篇 中寒

赤水玄珠全集

赤水玄珠

全集

附

醫旨緒餘
三吳醫案
新都醫案
宜興醫案

孫東宿先生小像



孫東宿先生像贊

炯然其眸飄然其髯是常入龍宮而探石函耶隆冬不寒曰三秀草滄海可田思邈不老

吳郡太史檢庵徐顯卿題

君貌昂藏君心孔良龐眉美髯玉質金相威儀挹挹而神采煥發談吐纚纚而道術彪彰蒐岐軒之秘而洩其心髓補張朱之闕而訂其雌黃探玄珠于赤水蜚玉屑于青纚緒餘渺論醫案流芳十三篇不得專美晉春秋安能擅場是用儒紳傾仰允矣懿范垂光

將樂大令表弟汪文璧題

赤水玄珠序

羅浮道人題

蓋謂三五之道非人不傳而非人之至者尤不得其傳是故太上聖人知陰陽之幾察寒暑之候辯愚民之冷煥定并物之溫涼爲之濟人者不勞而受沉痾者得效矣嗟乎世道賴此人也久矣吾心思若人亦久矣時休陽孫生探天地五行之奧採百家同異之龜觀易必尋易之源講書必求書之要凡所以濟人利命者一以心學爲本誠所稱上古之胎醫中之伯者生平不妄交與在家惟註方言有醫旨緒餘數百言率皆辨衆論以歸於中明先天太極之圖發前賢証候之秘又於先世所名之疾未有之方爲之補其闕而增其所未盡其有功於人夫豈負薪之勞壺殮之賜哉書成請題於余余曰文以載道文而無道焉以宰之吾人所羞稱也今生之所纂者率皆闡幽發微會悟之中而得其解昔黃帝求道多方索之不得而象罔得之於赤水若生所註信有本矣名之曰赤水玄珠不亦宜乎然則世之藝何捨鉤天大樂而審笙歌薄大鸞之味而嚼草根乎雖然語云莫前弗開莫後弗傳而爲生之迺胤迺孫者又當敬承大志永保於無疆之休可也其若生之意否孫生叩首曰善遂書之孫生休人名一奎字文垣東宿乃其號也

赤水玄珠序

太史氏曰世所藉口金莖雲表清露以濟司馬長卿渴枚氏能令吳太子霍然病已此甚無當也余善病所識天下醫無慮數百獨海陽文垣孫君最名余所識天下名醫無慮數十獨孫君其古之名醫歟古之醫者能割皮解肌訣脉結筋搦髓腦揲荒爪幕漚浣腸胃漱滌五藏練精易形此秦越人能生虢太子淳于意能生郎中令循文垣孫君能生不佞且君之生我至再矣一在辛巳年一在今歲丁酉冬其察視審治甚神其效甚奇余是以德君深扁鵲曰良工取之拙者疑殆然又曰越人非能生死人也此自當生者越人能使之起耳君有其良復有其讓語曰痛定思痛余每思之輒蘇蘇竄涕余是以德君甚深因有感于造物者以君生我是大德也而必以我顯君之奇亦忍矣造物不可問君神于醫必神于理其有以振我益我使曰首無所籍君之奇乎則君之惠大矣雖然衆生病則維摩詰亦病君安能俾衆生不病哉天下賴君之惠者尙多君乃出一編示曰赤水玄珠云仙所命也余故稍叙君之奇弁諸首簡傳之天下用廣君之惠于不窮不佞之言謫謙以當施藥草云爾賜進士出身通議大夫吏部右侍郎兼翰林院侍讀學士國史副總裁記註起居

經筵

日講官前禮部侍郎詹事府詹事掌院事國子祭酒徐顯卿撰

赤水玄珠序

醫難言哉。靈素出自軒岐。其成言班如可誦也。成法森如可尋也。而其包涵陰陽五行之化。節序虛之變。金石草木飛潛蟲之性情深遠。無盡與潔淨精微同旨。而不可竟是。故業是者。性必夙授。質必靈明。誦其言而不泥其言。尋其法悟其所以法。無見而無所不見。而卒歸於無見。又不以無見名。無解而無所不解。而卒歸於無解。又不以無解名。而後可以融靈素之秘奧。察臟腑之隱伏。氣血之流滯。空窾闕之通塞。起歸人而生之也。不則且不能窺軒岐之籙籙。何論闡奧醫難言哉。自周秦迄今。以是樹門戶者。奚啻什伯千萬。和緩越人。叔和仲景。倉公伯仁。丹溪數公。而外寥寥無聞。猶且不免後學雌黃之口。子華子有言。醫者理也。理者意也。藥者瀹也。瀹者養也。悟其意。會其理。察四然二反。而加疏瀹。始可以言醫。藥醫難言哉。余嘗慨其難思。見其人久矣。而潘荷卿往往推休寧孫生文垣者。善名理而精岐黃。及握符宰休寧時。有陰陽之患。孫生診之。果然洞標本之緩急。投劑輟效。試與上下靈秘而論議之。隨即輒應如建瓴水。使人解頤。余固奇之矣。已出所著醫旨示余。鑿鑿乎發前人所未發。補前書所未盡。益大奇之。生曰。此緒餘也。有全集三十卷。未授剞劂。因得卒業。其發凡定例析類分門。按病訂方。詳哉乎其言之也。此書行而後世之疾其有瘳乎。書未有名。會方士挾仙術遊里中。生就問名。仙稱純陽子。命曰赤水玄珠。生馳語余。余曰。嘻。純陽子知生苦心哉。玄珠何物也。是未可以知識。言語形象求也。而得之必以象罔。生所著積以歲季。超焉悟解萬境。俱冥殆所謂夙授靈明。不以見解名者。

耶遂爲引數言於首如此

萬曆丙申長至日南京吏科給事中前休寧令豫章祝世祿書於梧竹居

孫生赤水玄珠序

郡人汪道昆伯玉撰

萬曆辛巳蔣秋官郎以恤刑行部來新安日新鑒書飢病作召醫診視族醫無狀者誕而譌投病以益甚同蔣藉而仕進者爲吾郡汪伯立雅善孫生文垣視疾盲言今以醫名家者無如孫生良薦入診之診畢孫生皇皇若有失也又心懼難色危言以駭蔣因陽飾愉婉以寬其心剡劑而進飲既蔣曰稍安矣人舉欣欣幸公無恙獨孫退謂郡丞曰蔣公病甚亟藉令生蚤從事五日疾可已身可活也今雖司命能若何哉茲愉婉而具匕餌者非謂能回其勢而生之也爲無辜族醫地爾蔣果不出五日死郡之人翕然稱奇在昔春秋越人知桓侯于未病迫喉病遁逃而去齊孫生於蔣亦可謂預知微矣余固記憶其事而想其人之一觀也閱幾年生族子元素持生所著赤水玄珠懇余叙諸首余謂醫學之難非彊識方書之難也邇本始而不謬所宗之難亦非徒知所宗之難也以意會所宗者之心契其旨而融其迹之難也亦非以古人之心會於心之難也以古人之心會之已而用之隨俗爲變運化不膠之難也是故執方則泥用變則神泥則功鮮而害速神則中奇而効閎故受醫不慎所宗是規磨之識也徒執其方是刻舟之見也何也軒岐之訓猶之六經漢之仲景與私淑尼父之軻氏奚異譬彼惡池而源于河配林而始於岱也世之業醫者高之硜硜守彥脩之譚謂心法在是卑之拘局曲一定之方膠用而嘗試之爲朝夕帑帑計偶獲一効遂囂然自負以爲高而靡知顛蹶隨之卑之卑也舍古昔而倍前賢即晉齊之杞不啻也忘其本矣安能獲古人之心若旦暮遇之哉迺若孫生著述闡發素難之

秘奧獵弋諸先哲之名言取裁于性靈之獨見列其方而不泥其方究其辭而融其
意生平見病而決死生如預知蔣恤刑者根本敦茂非苟而已也余固多病獲生譏
著讀之脩然其有瘳乎生又謂親歷者狹未若廣之以公同志其所濟者奢也迺自
序以就正大方爲名非懸書以市譽有而不居顯而益晦生非但以技高其德邵亦
可重矣余故叙之以復元素文學俾生弁諸首簡

秘奧獵弋諸先哲之名言取裁于性靈之獨見列其方而不泥其方究其辭而融其
意生平見病而決死生如預知蔣恤刑者根本敦茂非苟而已也余固多病獲生譏
著讀之脩然其有瘳乎生又謂親歷者狹未若廣之以公同志其所濟者奢也迺自
序以就正大方爲名非懸書以市譽有而不居顯而益晦生非但以技高其德邵亦
可重矣余故叙之以復元素文學俾生弁諸首簡

赤水玄珠序

蓋余識孫君白下自崔封部所貌莊而色和畜義不及利則以儀之致邸中與語性命剝復之奧氣化消息之機明若觀火細如鏤塵如入旃林片片皆香如涉三山泛溟海洸洋河漢而未始有極蓋七日而孫君忘其所之余亦不知孫君之爲吾客也將別出所著醫旨緒餘相示且云吾有赤水玄珠若干卷本証以著方上極靈素內景河洛範易下叅劉李諸名家橫堅鉤貫得其要領是書也行將使世無天札余慕之甚傾來遊吳中始出示余因留數卷余所遊旁郡國久之適余父患鼻鼈更數方未愈檢君書中得方與症偶不數劑霍然良已然後知是書之爲有用其利生人大且急如此而益嘆君之用意爲勤且遠也嗟乎醫者死生之門也乃或目不知書耳授數方便欲寄人生死甚者中本無奇利齒啖名盛輿服昂意氣以誅主人執內豎手囁嚅耳語以鉤奇得重糈名高利厚兩集焉人有請急故徐徐不應以觀成敗乃進而收其贏責居人後利在人先其自爲甚巧于病家無分毫倚賴而幸奔走之如市彼安事砭砭以勤苦爲君獨勤且遠不憚煩若此假使君與彼耳食啖名之徒濫進于前語落落不阿于僮僕無欵曲有奇終不自言不讀君書不知君之爲異人也用醫如用將呼吸安危間不容髮而以殉虛名與俗情學醫人費痛哉言乎然後知是書之刻爲不容已也一日予笑謂君玄珠之得也以象罔覽君所持論則幾留如詛盟其爲知也大矣象罔其可以得之乎君曰不然本証以著方爲寒爲熱爲虛爲實書之所可載者也察脉辨色時寒時熱時虛時實而明之存乎其人焉雖吾亦不

能言也不象罔其可以得之乎余亦笑而序之

西吳沈演叔敷甫撰

生生子赤水玄珠凡例

一是書專以明證爲主蓋醫難於認證不難於用藥凡證不拘大小輕重俱有寒熱虛實表裏氣血八個字苟能於此八個字認得真切豈必無古方可循即於十二經藥性中表裏寒熱溫涼間摘出治之自然權變合宜不失勝算故古謂審證猶審敵知己知彼百戰百勝矣

一所引諸書名及諸家姓氏者欲人知有所自且一證之中經書多有發之未盡者前賢或觸目感悟揭而補之俾後學得以宗倣後之人不究前人盡心用意處反謂某長于此而短於彼某善于補而不善於攻迺以補其缺畧者反指以爲偏駁豈知本之學哉且又不贅師訪友局守一家之說濫稱專門焉能擴充愚故不揣管陋每於一證之間有經文可據者即以經文爲首引無經文者采取各家之言爲證是則宗之非則黜之間有悞後人惑來世者則援摭格言輿論以折其衷庶見前人補缺之意匪偏而後之取法者得以履其正也

一辨證原經文有單立篇目則原依其篇目有混稱未析者或古今名稱不同如古經以風寒濕三氣雜至而成痺立名丹溪迺改痺爲痛風又如腸澼泄利腸風臟毒混論而未析如此者甚多設不辨而正之何所適從茲以各證經文混論者列之於前以爲之綱以今人嘗稱者析之於後而爲之目目下各列治法庶古今照貫政治不紊緩急揅閱免致疑滯

一婦人臟腑經絡七情六氣感病與男子無以異治法亦然所異惟胞門子宮月汛

胎產陰挺崩漏赤白帶內外吹爾茲特標婦人門五卷使知同異端緒大方經畧
庶家技不得稱擅塲局夫不得呼專秘隨俗爲變醫之能事斯無愧於扁鵲也與
一治小兒法惟臍風覘乳盤腸內弔驚疳痘疹爲差別餘皆與大方脉同但臟腑脆
薄劑宜較小爾三歲內者不形於診然虎口三關之紋亦難盡憑當於聲色動靜
哭笑大小便叅之四歲後便可以一指按於經渠列缺之上診左右手脉孰大孰
小孰浮孰沉以辨內外二傷率多應驗不可謂全不關於診也至如痘疹尤小兒
緊要方術及外科并列門後以統其治用寓無可無不可之意云

一採用經史 國典郡書諸雜家言統計二百六十五種非徒騁博洽資口吻也以
爲不廣搜遠引不足發明天人合一之旨與聖賢立功立命之意夫古之人有不
爲良相愿爲良醫也者此何以故子輿氏曰老吾老以及人之老幼吾幼以及人
之幼然則惠溥當時澤流後世是惟相與醫迺克踐之矣

一醫家著輯汗牛充棟不能一一購置但取其書可宗法萬世無弊者一部中採數
條一門中採數法數方以爲嚆矢要之緣辭契意神而明之存乎其人而已況登
彼岸者航筏尙可棄乎

一醫寄生死之關非知性命者不足與有言也儒之窮理盡性以至於命固當取以
折衷而老氏性命兼脩釋氏明心見性道理自可叅觀故兼採二氏爲翼夫知三
教之所以者于醫學思過半矣

一醫要先識人身內景臟腑形質手足經上下宗氣營氣衛氣呼吸出納三焦終始

及各經表裏陰陽金木水火土部位配合命名之義上下不得錯綜一經不得兩配與河洛周易靈素洪範黃庭性理諸家合一不背洞悉源委如能言標本而測病機若內景不明羣書不究局局然守草根樹皮之末方左右牴牾逢原謂何如命門三焦包絡相火及手足經配合自難經已下紛紛不決者余不揣菲陋于醫旨緒餘中僭爲剖析似與靈素洪範太極百家照徹相貫敢以俟之具法眼者一醫道肇自炎帝之本草與黃帝之內經伊尹之湯液而周禮登之天官冢宰誠重之也諸如上池金匱青囊或神或仙不可枚舉其顯在六卿廊廟者齊則褚澄唐則王珪李世勣陸宣公狄梁公劉禹錫李兵部宋則文潞公蘇子瞻朱紫陽以明則劉誠意咸有著述此皆上古良相之芳躅逸人之高致逮今風斯爲下廁之技流烏知醫之所自耶噫道無汙隆顧人力行何如耳宣尼有言人能弘道非道弘人吾黨共勗之哉

海陽生生子孫一奎識
菰城友人沈之疊書

自序

孫仲子奎曰先文學以儒術起家迺七尺孱弱始受易爲諸生攻制藝過苦又屢上棘園罷歸不無怏怏體罷憊而弱益甚余甫垂髫日侍帖畢見之輒隱心焉問嘗自念昔人有言事親者不可不知醫何得究竟秘奧俾葆和吾親無恙乎然猶之呻吟帖括未已也比稍長先文學令親伯兄買之括蒼道遺異教家有仙仙也者指余曰孺子何爲者乃恂恂若爾吾懷秘密久矣遇而後傳吾歷觀人間世無如孺子可授若能受而讀吾方可以衛生可以澤物所就匪直一手一足烈矣何必劬劬奔走齷齪籌計爲哉余曰幸甚君之禁方亶能如陽慶公所傳五色奇咳之術余小子事親有所藉手矣及受讀而解驗之果有概於中而多奇中因趣裝歸海陽語先文學以故且告之欲舍業而事方術先文學沾沾喜曰醫何不可爲也良醫濟施與良相同博比衆又何論良買第異人所授精良矣顧拘局而不通洽脫非心融機變則其方泥而難用夫飲水者必窮其源軒岐遺經非方術家之窺崑崙乎而張仲景以下諸家皆崑崙所達支委也彼習業者專則精不專則雜稟心者一則恒不一則間飛衛之貫虱也徇僕之承凋也專一故也小子第勉之迺發軒岐遺書以及諸大家載籍下帷誦讀口玩心惟無間寒暑可以三年所私心又謂索居而闕觀孰與廣詢而遠覽方今明盛多賢宇宙寥闊四海九州之士持昭曠而晰成法者詎無其人余何卑卑以丘里自隘也於是自新都游彭蠡歷廬浮沅湘探冥秦淮釣奇於越卒之淹跡三吳焉所歷之地遇明達而折伏其前與之譚支順闌橫之秘叩下遂上爭之旨辯陽